

Enformaziuns y Comunicaziuns

Mëns de mà: Mà è le mëns de Santa Maria. I sëis düc bel enviës da coltivé en particular la devoziun ala Oma de Dio, tolenn pert ala Corona, co sarà le dèdölönesc y la jöbia te dlijia, y en iade al'edema ete dal Ciüch. Döt gnarà scrit avisa söle program dles mësses.

Oraziun: L'oraziun dal chît è na vedla forma cristiana de oraziun. Chi co se dà jö empara y la pratichëia, podarà fà l'esperionza ch'ara è fontana de gran pësc y stabilité danter la büsia tla vita da vigne dé. En jöbia ai 14 de mà èl tla stöa da Oies na sèra d'enformaziun con Gerhard Mahlknecht da Bornech. Al à emparé da siur Peter Dyckhoff, co à gran esperionza te cösta oraziun y è autur de plü libri. Düc è bel enviës.

Seniorenclub: En dédemesaledema ai 29 d'aorí mët da jí le Seniorenclub Mareo en dé de ativité. Ales 8:20 da doman pëiun ia d'Al Plan demez con le Citybus, por roé cina Porsenú. Da enlò ennant jaràn a pé cina sö Elvas - Naz, fora por i prës con lëns da pom co è sën plëns de flus. Al ne va nia debojügn da s'anunzié danfora, al basta jì empara.

ASC Mareo: Düc i sozi, sógadás, geniturs y simpatisanc dal ASC Mareo è bel enviës ala reuniun generala, en lönesc ai 27 d'aorí ales 20:00, te salf dla Raiffeisen.

Lîtes: *La lista "Al Plan"* se prejentëia ala jont en dédemesaledema ai 29 d'aorí ales 20:00 te salf dla Raika. Dedò èl en picio renfrësch. *La lista "Por Mareo"* prejentëia sü candidac, le program y söes idees en lönesc ai 4 de mà ales 20:00, inçe te salf dla Raika.

Curs/1: La Uniun dles Ères con le Consëi de Formaziun organisëia en curs da balé (fox, walzer, polca, boarisc, etc.) con Isidoro Clara da Longiarü. Al mët man en sabeda ai 9 de mà y döra endöt 6 iadi, tres ales 19:30, te salf dles manifestaziuns. Prenotaziuns pa Annamaria de Lex al 334/6102551. An po se scrî ete a përs o inçe da susc.

Curs/2: La Uniun dles Ères con le Consëi de Formaziun organisëia en curs da deponje a ère y acrilich, con Mariana Acuna. Le pröm iade è en jöbia ai 7 de mà. Le curs döra endöt 6 iadi, tres dales 19:00 ales 21:00, te cïasa dla referënta jö le Gran Pré. Prenotaziuns pla referënta al nr. 333/1595085.

Laûr: La Comunità Comprensoriala de Puster scrî fora en concurs publicch por titui y ejams por 3 posé a tomp indeterminé por personal a puzené cualifiché, tla 2a c.f. Dui posé a tomp parzial (60% y 30%), por le grup linguistisch todësch, önn a tomp parzial (50%) por le grup ladin (tla Spona a Pederoa). Les domandes è da dé jö anter le dédemesaledema ai 29 d'aorí fina ales 12:00. Enformaziuns al 0474/412942 o personalamt@bzgpust.it.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania



福若瑟
VAL BADIA

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

4. Domëgna de Pasca - dal Bun Famëi, ai 26.04.15 - nr. 22

Iu dà ca la vita por mies biesces!

Dal Vagnele do San Jan 10, 11 - 18

Te chël tomp à Gejù dit: ¹¹Iu sun le bun famëi. Le bun famëi dà ca söa vita por les biesces. ¹²Le fant tut sö a paiamont endere, co n'è nia famëi y de chël che les biesces n'è nia, lascia les biesces sores y s'an sciampa canch'al vëiga gnenn le lu; le lu les scherza y les sprigorëia endalater. Al s'an sciampa, ¹³ciodi ch'al à mà en fant a paiamont y ciodi che les biesces ne ti an val nia. ¹⁴Iu sun le bun famëi; iu conësci i mi, y i mi mo conësc me, ¹⁵desche le Pere conësc me y iu conësci le Pere; y iu dà ca mia vita por les biesces.

Parora dal Signur. - Lalt a té, Gejù Crist!



Prighi por la fede

I prëi dla valada se stà con festide por l'adejiun de nüsc fedei ai "Testimoni de Geova", co s'abina can tlò can enlò. I prëi avertësc che cösta "sceta" ne creï nia te Gejù Crist desco Fi de Dio y tan demanco tla Trinité. L'eucaristia y i atri sacramoné ne vën da d'ëi nia reconesciüs, por alzé fora ma püces mancianzes. Por chi co se lascia ete con ëi, èl dër rio da gnì endò lëdi.

En ater prigo è les formes de "religiosité esoterica" co infiltrëia les conzeziuns de fede de nosta jont. Con de vigne sort de pratiches y rituai chîrun na sodesfaziun dai dejidërs dal'anima, danciarà da vigne fede. Na atraziun particolare vën odüda tla reincarnaziun y döt adöm zonza la presënza d'en Dio, co è porsona y nes vën adencuntra con amur. Da entrames döes cöstes cherdonzes insidioses dëssun se stravardé! (Signor Iaco Ploner)

Moderne Hirten

Das Bild des Hirten scheint schon eine längere Zeit in einer Krise zu sein. Nicht so sehr wegen des Hirten, sondern weil niemand mehr „Schäffchen“ sein möchte. Dabei wird übersehen, worum es bei diesem Bild wirklich geht: Es geht um Geborgenheit und um Orientierung. Viele Menschen fühlen sich gerade in der heutigen Zeit „unbehaust“ und orientierungslos, gestehen sich es aber selten ein oder wissen nicht, wohin mit ihrer Verlorenheit. Moderne Hirten sind dann besonders wichtig: Eltern und Religionslehrer. Katecheten und Pfarrer, die zum Beispiel Jugendliche auf die Firmung vorbereiten. Und alle, die ihren Glauben sichtbar leben.

Domëgna: 26.04: IV° Domëgna de Pasca: Domëgna dal Bun Famëi



Oferta por i bojügn dla Ploania

Oraziun por les Vocaziuns

8.30: Gran mëssa a La Pli

9.30: Funziun dla festa: por les Vocaziuns

10.00: S.M. por dōta la Comunità
por les Vocaziuns y Sorvîsc tla Dlijia

14.00: Badia: Prozesciun da San Linërt a Oies

Lön. 27.04:

Feria dla 4. Edema dô Pasca: S.Pire Can, Sa.Zita

N.B.:

18.00: S.M. por +nc' Lois y Maria dal Postmeister

S.M. por +nc' da Garsun

S.M. aniv. por +nta Hanni Maneschg da Cianëi

S.M. por +nta Rita Compli de Mano

Dédol. 28.04:

Feria dla 4. Edema dô Pasca: S.Pire Chanel, S.Ludwig Grig.

7.30: S.M. a La Pli

Dédem.29.04

Memoria de Sa.Catarina da Siena, Sa. Roswitha

18.00: S.M. por vîs y +nc' de Maria Complojer, Runcac'

S.M. por +nc' Alois y Mena Taibon

S.M. por +nt Migliorati Franco

S.M. por +nc' Beppo y Rosina Pitscheider

Jöbia 30.04:

Feria dla 4. edema do Pasca: S.Pius V, S.Quirin

19.30: S.M. a La Pli

Vëndr.01.05.:

S.Ojöp, patron dai lauranti: S.Maximilian

8.00: S.M. en onù y reng. de S.Ojöp laurante

S.M. por Fam. Clara Guido y Margareth

S.M. por +nt Guido Zardini

S.M. por +nc' Maria, Jep y Walter Ties da Plazores

S.M. por +nt Pisching Helmut y +nc' de Candido

13.00: Al vegn portè la S.Comeniun ai Amarès

20.00: Prozesciun ete dal Ciüch en onù de S.Maria

Santa Maria in sabato: mem. De S.Atanase

Sab. 02.05.:

7.30: S.M. a La Pli

17.00: Poscibilità da se pissiè

18.00: S.M. por +nc' dla Fam. Brugger Taibon

S.M. por +nc' Willeit Hilda, Jan y Krämer Manfred

S.M. por vîs y +nc' de Albina Moling, Spescia

S.M. por +nc' dla Fam. Trebo Paul y Waltraud

S.M. por +nc' Mutschlechner Rosa y Hans dal Pech

Domëgna 03.05: V. Domëgna do Pasca: Festa de S.Florian

Oferta por i bojügn dla Ploania

8.30: Prozesciun con i Stödafüs a Curt, adöm con La Pli

Prozesciun encer la Taela con Vangeli y Benedisciun

S.M. en onù y reng. de S.Florian Patrono

Prozesciun de revêrs a Al Plan

18.00: S.M. por +nt Lois Castlunger dal Surt

S.M. por +nt Tone Ties dal Nora

S.M. por +nt Hermann Trebo dal Schneider

S.M. por +nc' Rico y Purghele Obojes dal Craizer

S.M. por +nt Erich Ties de Cassl



LE SIGNUR È MIO FAMÈI

Al ne mo manciará nia.

Al mo lascia pone sön pastöres vèrdes

y mo condüj pa eghes beles chites.

Al mo dá coraje y mo mëna sön le dër tru,

fedel a so ennom.

Ince sc'i messass passé fora por na val scöra,

ne mo temessi degün mal,

ciodi che tö es pa me.

Töa maza y to bastun mo fej sontí sogü.

Herr, mein Hirt,

*Brunn aller Freuden, du bist mein,
ich bin dein, niemand kann uns scheiden.*

Ich bin dein,


*weil du dein Leben und dein Blut
mir zugut in den Tod gegeben.*

Paul Gerhardt

Salm 23, 1-5

26. April 2015: Weltgebetstag um geistliche Berufungen

Am vierten Sonntag der Osterzeit, am „Sonntag des Guten Hirten“, findet der Weltgebets-tag um geistliche Berufungen statt. Berufen „für Gott und die Menschen“ – so lautet das Jahresthema 2015. Das Plakat zeigt den Blick in eine Straßenbahn, in deren Scheibe sich Jesus, im Purpurmantel und mit Dornenkrone, spiegelt. Mit Gott zu den Menschen unterwegs, um Gott zu den Menschen zu bringen. Dazu ist jeder Christ, jede Christin berufen; dazu braucht es aber auch Menschen, die sich ganz in den Dienst dieses Auftrages stel-len: Priester, Frauen und Männer in den Orden. Dafür beten die Gemeinden besonders an diesem Sonntag.



Sorvîsc dai Ministronc

Lönesc 27/04 (07:20h); Dédemesaledema 29/04 (18:00h), Vëndres 01/05 (07:10h): Max y Moriz Pire Trebo;

Sabeda 02/05 (18:00h): Marlene Palfrader, Lara Fappani, Anna Chierchia, Elisa Coppola, Sara Doria, Lisa Compli;

Domëgna 03/05 (10:00h): Lara Ploner, Marco Vavrek, Miller Suani, Moriz Videsott, Luianta y Moltina Clara;

